

# -Škrěčak-


-njewotwisny měsačnik šulerjow Serbskeho gymnazija Budyšin-

## -Brigada w decembru-

### Zahor

Składnostnje 150. posmjertnin Handrija Zejlerja a 200. narodnin Korle Awgusta Kocora je so lětsa tójšto zarjadowanjow na jeju česć wotměło. Wosebity highlight zarjadowanjow běše spěwny swjedžen w nowembru w Budyskej Krónje. Po přikładze přenjeho serbskeho spěwneho swjedženja w lěće 1845, zetkach so chóry z Hornjeje a Delnjeje Łužicy a zaspěwachu mjez druhim serbsku hymnu „Rjana Łužica” a dalše spěwy z jeju pjera kaž „Róža słuša do wěnc” a „Božemje horam”. Na tutym „wjeršku” lěta Zejlerja a Kocora běše tež 1. Serbska kulturna brigada wobdžělena a je jako, po ličbje jeho člonow najwjetši chór, spěwny nawod swjedženja přewzała.

Po tymle wjeršku w nowembrje bu lěto 3. hodownika ze swjatočnosću w Zahorju, w ródnej wsy Kocora, zakónčene. Na tutej swjatočnosći su so jednotliwcy z brigady zhromadnje z wjacorymi člonami dalšich chórow wobdžělili. Pod nawodom Friedemanna Böhmy bu z wumělskim přinoškom tak lěto Kocora a Zejlerja zakónčene, a tuž, kaž je Kocor pisał: „... tu chwilu božemje ...”, a nadžijomnje na zasowidženje na přichodnym spěwnym swjedženju!



## Adwentny koncert



Cyłodniowska proba briaady w SLA.



Skónčnje! Po dwulětnej korona-přestawce je so w decembru zaso tradicionalny adwentny koncert brigady wotměł. Pod nawodom knjeza Böhmy a z přewodom hudźbnikow Serbskeho ludowego ansambla je nimale cyła brigada twórby českeho wučerja, kantora a komponista Jakuba Jana Ryby zaspěwała. Kaž je z tradiciju, su brigadnicy tež lětsa hosći přeprosili. Štyrjo studenća z Prahi su jako solisća wšelake pasaže kruchow spěwali. Jako tołmačerkka je spěwarka brigady Johanna Hadankec informacije mjez knjezom Böhmu a spěwarjemi přeložiła a tak dorozumjenje bjez problemow zmóžniła. Nimo spěwow Jakuba Jana Ryby je brigada tež kěrluš „Wyše Betlehema” zaspěwała. Ze spěwanjom poselstwom mjez štučkami kěrluš wopokazachu 12tki wosebity talent. Přiklesk na kóncu bě jasny pozitiwny feedback publikuma a zahoritosć přihladowarjow bě dopokaz, zo je so džěło brigady wuplaćilo.

Wězo, koncert njeby bjez prócowanjow jednotliwcow móžne było. Tuž wuprajimy knjeni Rěčcynej, knjeni Hiccynej, knjezej Kowarjej a mnohim dalšim pomocnikam najwutrobniji džak.

## Adwentny nyšpor młodžiny we Wotrowje

Na dnju swjateje Borbory, 4. hodownika, organizowachu sobustawojo kružka dekanatneje młodžiny adwentny nyšpor za młodžinu. Nyšpor je so po wjacorych lětach zaso we mjeztym ponowjenej Wotrowskej wosadneje cyrkwi wotměł. Popołdnu w dwěmaj je farar Gabriš Nawka nyšpor zahajił a je mjez wopytowarjemi nyšpora tež našu přenju serbsku kulturnu brigadu postrowił, kotrejež spěwarki a spěwarjo w zadnich ławkach sedžachu. Najwjětši džěl swjatočnosće stejachu člonoj a člonki młodžinskeho chóra potom předku a wupjelnicu wołtarny rum. Ludžo we ławkach a na chórje připosluchachu miłemu spěwanju a zwukam, kotrež so po cyłym Božim domje znošowachu. Mjez spěwami přednošowachu kružkarjo nabožne teksty, kotrež tworjachu přijomnu wotměnu mjez spěwom a modlitwu. Po wustajenju najswjećišeho zakónči brigada nyšpor ze znatym spěwom „Knjezowy jandžel”. Po tym je dekanatny kružk na zhromadnu swačinu do stareje Wotrowskeje šule přeprosył. Při kofeju, poprijančkach a dobrej rozmołwje knježeše měrna adwentna atmosfera.

-Johanna Hadankec



# -Šulerjo w Choćebuzu-

Na přeprošenje Choćebuskeho filmoweho festiwala a Założby za serbski lud dojedźechmy sej srjedu, 14. decembra, do Choćebuza do tamnišeho Serbskeho domu. Naša projektowa skupina „žaba” je w oktobru Łužiskej filmowej přehladce ideju za film posrědkowała, kotraž zaběra so z Delnjoserbstwom. Z našej ideju chcemy styki k młodostnym w Delnjeje Łužicy nawjazać a tak dołho zhubjene serbske přecelstwa wožiwić. Mytowana bu naša ideja z financelnej podpěru za wjerćenje filma kaž tež z pjenježnym mytom za našu skupinu „žaba”. Wulět do Choćebuza bě nimo toho z wopytom Delnjoserbskeho muzeja zwjazany. A wězo běše tež wopyt hodownych wikow njewobeńdzomny. Zo wobsteji naša projektowa skupina jenož z šulerjow Serbskeho gymnazija je skěrje připad hač wotpohlad. Tuž nima naša šula w tymle zwisku žanu zaslužbu na myće. Snano pak so tón abo tamny wučer za prócowanja skupiny zajimuje a so runje tak za delnje serbstwo hori kaž my, tak zo so styki snano samo na polu šulskeho wjednistwa wuwija. Wšako smy jako jeničkej serbskej gymnazijej na mjezsobnu podpěru za zdźerženje rěče, kultury a wězo tež zeznaće takrjec „druheho serbstwa” pokazane.

-žaba



## Pytamy LOGO!

Für unsere Schülerzeitung „Škrěčak” (Der Schreihals) sucht unser Team ein Logo. Dieses soll unsere Zeitung repräsentieren. Wenn DU also eine Idee hast, dann schicke uns ein Bild deines Designs unter [serbski-skrecak@web.de](mailto:serbski-skrecak@web.de). Gut wäre, wenn du deinem Bild einen kurzen Beschreibungstext beifügst, in welchem du dein Logo vorstellst und erklärst, wieso genau dieses Logo die Schülerzeitung des SGB repräsentieren soll.

Alle eingeschickten Logos werden dann im „Škrěčak” vorgestellt. Dann können die Schüler ihren Favoriten auswählen. Auf den Designer / die Designerin des ausgewählten Logos wartet ein kleines Geschenk vom Škrěčak-Team!

## -Hodowne wiki-

HO HO HOdowne wiki - lětsa, skónčnje zaso po dwulětnj korona-přestawce – smy je zaso zarjadowali. Hodowne wiki su stajnje znova móžnosć za šulerjow kapsny pjenjz za rjadownisku kasu zasłužić. Nimo předawanišćow jednotliwych rjadownjow pak běchu tež tójšto darmotnych poskitkow po cyłej šuli přihtowane. Po adwentničkach jednotliwych rjadownjow w 1./2. hodzinje je tak na př. 5. lětnik zhromadnje z 12. lětnikom hodowne karty paslił, dalše rjadownje su tohorunja paslenje a hraće hrow poskićili. Wosebje wobľubowane běchu šokolodžane plody kaž tež tombola 11. lětnika. Po hodownych wikach je so džen z hudženjom w awli zakónčił. Tam su wobdarjeni serbscy šulerjo swój hudźbny talent dopokazali. Hudźbni wirtuozjo 11. lětnika su na swojich instrumentach zahrli, dujerska skupina wobstejaca ze šulerjow kaž tež wučerjow je zahudžiła a wězo je tež 1. Serbska kulturna brigada swój puć do awle namakała a tam zaspěwała. Nimo brigady je tež mały chór program z hodownymi spěwami wobohaćil. Ze zhromadnym spěwanjom spěwa „Jingle bells” we wšelakich rěčach je so wuspěšny džen zakónčił. Z hodownymi wikami je Serbski gymnazij znova dopokazał, kak so šulerjo kaž tež wučerjo za dobre šulske žiwjenje angažuja.

